

## UGOVOR

o javnoj nabavci putem direktnog sporazuma  
"Nabavka usluge dezinfekcije, dezinskcije, deviperacije i deratizacije objekata"

### I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **JAVNA USTANOVA ZAVOD ZA JAVNO ZDRAVSTVO KANTONA SARAJEVO** d.o.o., ul. dr. Mustafe Pintola br.1, 71000 Sarajevo, kojeg zastupa v.d. direktor, Zlatan Hamza dr.med., (u daljnjem tekstu: **Isporučilac**), ID broj: 4200329950003.

U daljnjem tekstu Ugovora, kada se Naručilac i Isporučilac navode zajednički, tj. zbirno, tada su označeni kao "**Ugovorne strane**".

### II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Isporučioca broj: 05.13.107-2792/24 od 17.04.2024. godine.

### III PREDMET UGOVORA

#### Član 1.

Predmet ovog Ugovora je nabavka usluge dezinfekcije, dezinskcije, deviperacije i deratizacije objekata prema tehničkoj specifikaciji, koja je navedena u Pozivu za dostavu ponude Naručioca, broj: 06-11-419-1/24 od 12.04.2024. godine, kao i Ponudi Isporučioca, br. 05.13.107-2792/24 od 17.04.2024. godine, koje čine sastavni dio ovog Ugovora.

#### Član 2.

Usluge koje su predmet nabavke Isporučilac je dužan isporučiti sukcesivno prema Pravilniku o načinu obavljanja obavezne dezinfekcije, dezinskcije i deratizacije ("Službene novine Federacije BiH", broj 30/16 ), svojoj ponudi i specifikaciji Naručioca tokom 12 mjeseci od obostranog potpisivanja ugovora.

### IV CIJENA I NAČIN PLAĆANJE

#### Član 3.

Ukupna vrijednost ugovorene nabavke bez PDV-a definisane u članu 1. ovog Ugovora iznosi: 5.920,00 KM (slovima: pethiljadadevetstotinadvadeset KM).

U skladu sa članom 24. stav (1) tačka 2. Zakona o porezu na dodatnu vrijednost ("Službeni glasnik Bosne i Hercegovine", broj: 9/05 i 35/05) i članom 25. stav (1) Pravilnika o primjeni Zakona o porezu na dodatnu vrijednost ("Službeni glasnik Bosne i Hercegovine", broj: 93/05) na predmetnu uslugu se ne plaća PDV.

Cijena je fiksna i ne podliježe nikakvim promjenama za vrijeme trajanja Ugovora.

#### **Član 4.**

Ugovorne strane su saglasne da će Naručilac iznos iz člana 3. stav 1. ovog Ugovora uplatiti Isporučiocu sukcesivno, nakon svake isporučene usluge i primljene fakture, najkasnije u roku od 10 dana, na račun Isporučioca broj: 3389002208131096 otvoren kod Unicredit banke.

### **V ROK I MJESTO ISPORUKE**

#### **Član 5.**

Isporučilac se obavezuje da će usluge iz člana 1. isporučiti na način naveden u članu 2. ovog Ugovora i to na sljedećim adresama:

1	Ispostava Centar	Fehima ef. Čurčića br. 1
2	Ispostava Bašćaršija	Prote Bakovića br. 9
3	Ispostava Vogošća	Izeta Delića br. 22
4	Ispostava Ilijaš	Ivana Franje Jukića br. 2
5	Ispostava Stup	Briješčanska br. 12
6	Ispostava Novi grad	Trg ZAVNOBiH-a br. 15
7	Ispostava Hadžići	Igmanska br. 122

### **VI KVALITET USLUGE**

#### **Član 6.**

Isporučilac se obavezuje da isporučena usluga iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj ponudi, br. 05.13.107-2792/24 od 17.04.2024. godine, a koju je Naručilac odabrao kao prihvatljivu i kvalifikovanu.

### **VII OBAVEZE ISPORUČIOCA I NARUČIOCA**

#### **Član 7.**

Isporučilac se obavezuje:

- da će ugovorenu obavezu izvršiti prema Pravilniku o načinu obavljanja obavezne dezinfekcije, dezinsekcije i deratizacije ("Službene novine Federacije Bosne i Hercegovine" broj: 30/16);
- da će ugovorenu uslugu izvršavati blagovremeno prema usaglašenoj dinamici sa Naručiocem, u skladu sa zahtjevom za dostavu ponude i prema dostavljenoj ponudi;
- da će u najkraćem roku otkloniti eventualne nedostatke na koji mu se ukaže prilikom pružanja usluge iz člana 1. ovog Ugovora od strane ovlaštenog lica Naručioca.

#### **Član 8.**

Naručilac se obavezuje:

- da će izvršiti uplatu vrijednosti ugovorenih usluga iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti o svakom eventualnom propustu Isporučioca u odnosu na pitanja utvrđena ovim Ugovorom.

## VIII PRELAZNE I ZAVRŠNE ODREDBE

### Član 9.

Isporučilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.

### Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Isporučioaca i Naručioaca.

### Član 13.

Ugovor je sačinjen u 5 (slovima: pet) istovjetnih primjerka, od kojih Naručilac zadržava 3 (tri), a Isporučilac 2 (slovima: dva) potpisana i ovjerena primjerka.

**ZA ISPORUČIOCA**  
JU Zavod za javno zdravstvo KS  
V.D. DIREKTORA

*Zlatan Hamza dr.med.*



**ZA NARUČIOCA**  
KUCZ KS

M.P.

Broj: 05.14.110-2792-1/24  
Sarajevo, 29.04.2024. godine

Broj: 06-11-419-3/24  
Sarajevo, 22.04.2024. godine

